

E sego Jerusalema, empa Bethlehema

Thero mo Mika 5:2

Palo ya Beibele: Mika 4:1-5 & Mika 5 & Mateo 2:1-8

Temanathero: Mika 5:2

Desemere ke kgwedi ya Kerisimose. Mo kgweding ye re kwa gantši leina la Bethlehema. 'Bethlehema, ga re yeng Bethlehema...' 'Etlang, lena ka moka ba tumelo... etlang, etlang Bethlehema.' Ana se se ra go reng? Re bala ka ga ba bohlae ba bohlabatšatši bao ba ilego Bethlehema. Heroda ga se a sepela le bona. Baperisita le baFarasei ga se ba sepela le bona.

Temana ya thero ya rena e tšwa go moporofeta Mika. Ana Mika ke mang? Ke monna yo a bego a e tšwa motsaneng wa Moserethe wa Gathe. E be e le mosepediši wa Jesajah, moporofeta mo motseng wa go tuma. E be e le mosepedišane wa baporofeta ba bantši ba maaka, bao ba bego ba tliša molaetša e botse ye e kgahlago batho. Empa pitšo ya Mika e be e le gore a lebiše molaetša wa gagwe kgahlanong le molaetša ya baporofeta ba bantši ba maaka. O be a swanetše go botša batho gore: Modimo ga a na le rena, gobane re fapogile.

Mika o be a lebišitše molaetša wa gagwe mo go mafelo a metše: toropo e kgolo ya Samaria le Jerusalema. Mo porofetong tša gagwe re kwa dikgalemo tša kgwerano. Ke ka tsela yeo porofeto ya gagwe a thomago ka gona: tsebatšo ya kahlolo mo go Samaria le Jerusalema. Le ga go le bjalo, mo diporofetong tša gagwe re humana di tšhegofatšo tša kgwerano. Mo go Mika kgaolo ya bohlanano re bala ka porofeto ya tšhegofatšo, porofeto yeo e tlilego go phethagala ge tshokologo e ka ba gona, ge kgoagano le Modimo a ka bušetšwa gape.

Ana porofeto ke eng? Go bohlokwa gore re kwišiše lentšu le. Porofeto ga e bapetšwe le go bolela ka lehumo. Ga se fela go bolela ka ga seo se tlilego go diragala ka moso. Porofeto ke go gaša Lentšu la Modimo. Lentšu la Modimo go ya ka mo kgwerano ya gagwe le batho ba gagwe e lego ka gona, e na le tshepišo ditaello le dikgalemo mo nakong ya phapogo. Nagana ka ga porofeto ya Jonah: Nineveh e tlile go senywa! Jonah o porofetile bjalo. Porofeto ye e be e na le mabaka. Go tlile go diragla bjalo, fela... gomme go diragetše eng? Porofeto ye ga se a ka ya phethagala. Modimo ga se a fediša Nineve, gobane go be go na le tshokologo. Ke tsela yeo porofeto ya Mika e na le kahlolo ya lebaka mo go Jerusalema. Jerusalema o na le sebaka sa go ka pholoswa. Ge tshokologo e ka phethagala ka nako. Jerusalema e swanetše go ikokobetša, e be e nyane pele ga Modimo. Kantle le Modimo ga go selo. Ba swanetše go ithuta seo gape.

Gomme mo molaetšeng wa Mika. E sego Jerusalema, empa Bethlehema, re bala bjalo mo temaneng ya rena. Mo motšaneng o monyane wa Bethlehema, lefela leo le sego bohlokwa, gona mo Mmuši o tlile go tswalwa. Jerusalema ga a kgona go phethagatša se: go tliša mmuši yo a ka lokolago balsiraele mo manabeng a bona. Empa Bethlehema, motse o monyane, o tlile go tšweletša Mophološi.

Mo temaneng ya rena re bala: mmuši, yo boyena botšwago kgaleng, dinakong tša kgale. Ana se se ra go reng? Ana se se ra gore: go tloga matšatšing a bothomo? Ka nnete, ka go tseba gore porofeto ye a phethagaditšwe ke Jesu re a tseba gore ke Modimo ka go sa felego. Le ga go le bjalo, mo lebakeng la history Mika o be a šupa se sengwe. Porofeto ye e phathagaditšwe lebaka la mathomo mo matšatšing a gagwe. Mika o be a bolela ka manaba lefase la Assuri, naga ya Nimrod (temana ya 5). Maatla a a tšwago bohlabatšatši a tlile go fedišwe ke mmuši yo. Mmuši yo o tlile go fediša ntwaga gomme a tliša kagišo. Mmuši yo o tlile go fediša ditšhupo tša ntwaga – dipere le makoloi. Dihlabani di tlile go dirwa ditšhupetšo tša kagišo – sabola go kotulla. Mmuši yo o tlile go phethagatša tšeo. Gomme bothomo bja gagwe ke bja kgale. Ana bothomo bja gagwe ke neng? Gabotse leina le Bethlehema le re neela karabo. Ana re tseba Bethlehema mo go Testamenteng ya kgale? Ka nnete lefelo leo Davida a belegetšwego go lona, mo a goletšego gona.

Mo go Bethlehema mogoši bja Davida bo na le mathomo. Mmuši yo – ke molaetša wa Mika – ke wa leloko la maleba la kgoši Davida! Bjalo ka ge kgoši Davida a ile a fediša manaba a batho ba gagwe, go bjalo wa leloko la gagwe o tlile go dira seo bjale! Bjale mmuši yo o tšwa ka lapeng la bogosi! Go tloga kgale le tumo ya bjona. Ao ke molaetša a mantšu a temana ya rena: bothomo bja gagwe ke bja kgale.

Mohlomongwe o ka botšiša: ana se bohlokwa ka ga se ke eng? Gobane mo matšatšing a Mika wa leloko la Davida o be a dutše mo setulong sa bogosi... bogosi wa Davida bo be bo sa le gona mo Jerusalema. Ka nnete, go be go le bjalo. Empa ka tsela yeo molaetša wa Mika o lebane kudu: e sego Jerusalema, empa Bethlehema. Mmuši, kgoši yeo, e tlilego go tliša tokologo a ka se belegelwe Jerusalema. motse o mogolo ke o kgopo. Yo mongwe o swanetše go boela morago mathomong: kgoši ya tumelomoka Davida, yo a belegetšwego Bethlehema. Gona mo Samuele o ile a ya a mo tlotša, e be e le modiši wa boikokobetso. Batho ba hloka motho wa go swana le kgoši Davida gape. Bathatafi ba Jerusalema ba ka ithuta go tšwa mo motsaneng o monyane wa Bethlehema. E sego Jerusalema, empa Modimo o nyaka motse o monyane. Gona mo phološo e tlile go tšwa gona, phološo gape yeo e akaretšago motsemogolo wa Jerusalema, le phološo ya lefase ka moka!

Ge re ekwa ka Bethlehema lehono, e na le modumo o botse. E re gopotša ka ga Kerisimose. Empa mo matšatšing a Mika go be go se bjalo. Bethlehema e be e sa tsebagale e bile e se bohlokwa. Bethlehema e be e le selo se se fetilego. Wa leloko la Davida o be a buša mo Jerusalema. Gomme ge Mika a bolela a re mmuši o tlile go tswalelwa Bethlehema, go ra gore ntlo ya bogosi ya Davida e boela morago. Mola fela ge bogosi bo sena maema a mabotse ao a bego a na le ona kgale, gona mo ke mo mmuši a tlilego go tswalwa gona. Gomme ge Mika a re: 'gomme wena, Bethlehema Ephrata, mo go wena go tlile go tšwelela yo a tlilego go buša Isiraele...' gomme bjale o ke molaetša o o emišago. Ke letsogo le lengwe ke molaetša o botse, empa o nago le dihlong mo go bona. Jerusalema o swanetše gore a khuname fase ka mangole. Seo ke maikemišetšo a porofeto ya Mika.

Gare lebebeleng bjale Testamente e Mpsha. Re tseba go tšwa go Testamente e Mpsha maikemišetšo a porofeto ya Mika. Ga re lebebeleng gore re humana kae gape mo Testamenteng e Mpsha porofeto ye. Re badile mo pukung ya Mateo, history yeo e tšebegago kudu. Babohlale ba bohlabatšatši ba ile ba fihla mo ngwakong wa Heroda Jerusalema, motse o mogolo wa Bajuda, empa ba be ba se ba tsebišwa. Ka go thothomela Heroda o ile a bitša baperisita ba bagolo le bamangwalo. Ba be ba tseba Testamente ya Kgale, gomme ba mo neela karabo: 'Ke Bethlehema...' gomme ba lebiša go porofeto ya Mika. Gomme ka morago ga seo babohlale ba tšwele pele ka leeto la bona, ba labile go ya Bethlehema. Go bohlokwa gore o lebelele maitshwaro a ba mangwalo. Ka letsogo le lengwe ba be ba tseba gabotse seo porofeto e se boletšego – lebaka la gore Mika o šupile Bethlehema. Empa ka letsogo le lengwe ga se ba sepele le bona go ya mo. Babohlale ba tlogile Jerusalema ba tšwela pele ba le nnoši go leba Bethlehema.

Gobaneng? Gobaneng bamangwalo ba be ba tseba lefelo, empa ba se ye gona? Karabo ga e bothata bjalo. Gobane ba be ba tseba, ba be ba badile porofeto ye, empa ba se ye Bethlehema. Gobane ke lebaka leo le diragetšego mo matšatšing a Mika. E be e le batho ba thata, batho ba bohlokwa ba motsemogolo. Ba be ba ipotša ba re: le ge e ka ba nnete gore Mesiah o tlile go belegelwa Bethlehema, lebaka e ka se be la bjale. Gobaneng? Gobane ga se ra tsebišwa! Gomme rena, re batho ba bohlokwa ba kereke! Gomme seo se ka se diragale, gore bahlanogi bao ba tšwago bohlabatšatši ba tle ba rebotse gore Mesiah wa rena o belegwe! Seo ga se kgonagale! Ge tiragalo ye e ka be e ka phethagala, Jerusalema o be a tlile go tseba. Tlogelang kua gobane gore bantle ba ka re tšebela pele. Modimo o tlile go tsebiša rena pele! Gomme bjale ba šala gona mo Jerusalema. Baithuti ba bamangwalo ba be ba le difofu mo go porofeto ya Mika.

Mo go Johane 7 re ka bala gape ka Bethlehema. Jesu, Mesiah, o setše a godile mo gomme o a rera le go ruta batho ba motse mogolo wa Jerusalema. Ba be ba boledišana: monna yo ke mang?

Ana ke moporofeta? Goba mohlomongwe ke Messiah? Seo se ka se kgonagale? Missiah a ka se tšwelele ka thoko ya Galilea... Monna yo o tšwa Galilea, wa Nazareth. Ana Messiah a sea swanela go tšwa ka ngwakong wa Davida, go tšwa Bethlehema, gona mo Davida a belegetšwego gona? Ana seo ga se porofeto ya Mika?

Go tšwa mo temaneng ye re ka ithuta gore Bajuda ba be ba tseba porofeto ya Mika. Le ga go le bjalo, batho bao ba bego be theeditše Jesu, ba be ba sa tšebe gore Jesu o belegetšwe Bethlehema. O belegetšwe Bethlehema, le ga go le bjalo batswadi ba gagwe ba tšwa Nazareth. Gomme batho ba be ba gopola gore mohlomongwe le yena o belegetšwe Nazareth. Gomme ka boima ba be ba boledišana ka taba ye. E sego batho fela, empa Sanhedrin, bagolo ba Bajuda. Gomme gona mo go bonagetše bonolo gore baetapele ba tseba porofeto ye, empa be se be le maikemišetšo a go e amogela. E sego Jerusalema, empa Bethlehema. E be e le baetapele ba difofu. Motho yo a thathafetšego, yo kgopo, yo a sa hlaloganyego porofeto. Sa mathomo motho o swanetše go khunama fase, a ikokobetše. Re swanetše go lemoga gore re ka se direle Modimo selo, empa Modimo o direla batho bohle ba banyane. Modimo o dira mediro ye megolo, a šomišago bao e lego ba banyane, mo mafelong ao a sego bohlokwa.

Wo ke molaetša wa rena lehono. E sego Jerusalema, empa Bethlema, bjalo ka ge re opela le koša ya Maria:

*'O kokobeditše banna ba bagale,
Empa a phagamiša bona
Bao ba ikokobeditšego'
(Sefela 13.4)*

Mika o porofetile ka mmuši yo a bego a tliile go tšwalelwa Bethlehema. Gomme go diragetše bjalo, Jesu o belegetšwe Bethlehema. Modimo o tlišitše dihlong mo motseng wa Jerusalema. O tlogetše bamangwalo ka moka, maithuti le baperisita ka thoko. O kgethile Maria, gomme e be e le bantle ba mathomo bao ba ilego ba tla ba obamela Kgoši. Ge ba be ba tliša dimpho tša bogoši, Jerusalema o be a se gona. Gona mo o ka lemoga masetlapelo ka lebaka la go se be gona le ga mpho e nyane ye e tšwago Jerusalema. Mo motseng wa Bethlehema go diragetše tiragalo ye bohlokwa, empa motsemogolo wa Jerusalema o be o se gona.

Bjalo ga re tšeeng porofeto ye re itliše maphelong a rena. Eya Bethlehema, gona mo ikokobetše, o khunama fase. Le mo kerekeng lehono, re kgona go ikiša godimo. Gomme go ba boima mo go rena gore re khunama fase. Ga re lemogeng gape gore re phela ka lebaka la kgaugelo ya Modimo. Jerusalema, motse mogolo, o agilwe ka tlase ka kgaugelo ya Modimo. Re hloka Mophološi wa rena ka bonako, go bjalo ge re šetše re le ditho tša kereke mengwaga e mentši, re bjalo ka bogolo bja basenyi. Ga re yeng Bethlehema, seo se ra gore, khunama fase.

Etlang bohle lena batumelomoka,
Etlang gona bjale Bethlehema.

Amene.